

醫
酒
津

向里呂景端

書
檢



醫津目錄

卷下

疸

消

癩狂癩怔忡驚悸

虛煩

健忘不寐

嘈雜噯氣

吞酸

嘔吐

反胃噎膈

呃逆

瘧

厥

瘧疾

痢



泄瀉

霍亂

心胃痛

腹痛

附腹中鳴小腹痛

腰痛

脇痛

臂痛

肩背痛

痛風

脚氣

疝

痿痺

眼

耳

鼻

口

舌

唇



南京中医药大学图书馆版权所有

齒

結核

附梅核症

咽喉

醫

律

二

錢氏貽直堂刊



醫津卷下

武進錢雄萬心榮甫輯

鑑同高

男宗堯祝唐孫男鈞同增校訂

銓同琦

疸

疸者身黃目黃溺黃也名雖有五總是溼熱初起宜化疸湯溲溼湯以清溲之在上宜汗在下宜利小便傷食爲穀疸白朮山楂麥芽神麴及

平胃散之屬傷飲爲酒疸乾葛葛花山梔豆豉
五苓湯之類房勞過度爲色疸宜補元氣四君
四物黃耆白朮豆之屬此症多因血虛不能營
養而發黃脾虛不能運化而成疸所以參朮補
脾耆歸補血不可缺也如額黑足熱膀胱急小
便利甚則周身漸黑大便亦黑腹脹如水者爲
土敗水溼黑疸難治亟用黑疸湯間得生者有
瘀血發黃宜桃仁承氣湯下之又有黃胖者乃
脾胃不和溼乘而作宜平胃散加白朮神麩麥

或胃苓湯

消

消渴之由或因飲食失節腸胃涸而氣液不得
宣平或耗亂精神過違其度或大病陰氣損而
血液衰虛或久嗜鹽物恣食炙燂飲酒過度亦
有年少服金丸石散以致溼寒之陰氣極虛燥
熱之陽氣太盛水涸火炎故成渴消此河間之
論也三消者上消於心移熱於肺而爲上消其
症舌上赤裂善飲易消宜補肺生津中消於脾



移熱於胃而爲中消其症善食易飢自汗而瘦
小便黃赤大便燥堅宜調中益胃下消於腎移
熱於膀胱而爲下消其症煩渴引飲耳輪焦枯
大便艱小便如膏宜滋腎強陰上消宜五汁飲
黃連花粉天麥冬知柏竹葉烏梅等品中消宜
白虎湯竹葉石膏湯有食已即飢者脾熱善消
穀也用四君子加竹茹枳殼以調之下消宜丹
溪消渴方及生地麥味知母當歸麻仁之類或
用升麻以提之俾小便可少大便可通又有心

腎不交水火不濟方用人參丹參菖蒲補心氣
棗仁栝子仁茯神遠志安心神當歸地黃滋陰
血天冬五味滋水源清三焦之邪熱而消腎之
患自愈矣又有腎水枯竭心火上炎心煩燥渴
小便頻數及白濁陰痿肌肉漸削用八味腎氣
丸又有服五石過度之人真氣盡虛石令獨留
而腎爲之虛熱陽過與強不交精自洩此爲難
治急與降火生水之劑以冀萬一

癲狂癘怔忡驚悸



癲者異於常也平日能言癲則沈默平日不言
癲則呻吟甚至僵仆直視心常不樂此陰虛血
少心火不寧痰塞靈竅也狂者兇狂輕則自高
自是好歌好舞甚則棄衣而走踰牆上屋其尤
甚者披頭大叫不避水火且好殺人此心火獨
狂陽氣有餘神不守舍痰火壅盛也癩者陰虛
火升痰壅經絡發則頭旋卒倒手足搖擗口眼
相引胸背強直叫吼吐涎食已而醒病先身熱
脈浮在表者陽癩也易治病先身冷脈沉在裏

者陰癇也難治若神恍目瞪如愚痴者不治按
癲狂癇皆是痰火爲患治法尋火尋痰分多分
少宜以星半苓連爲主熱甚者宜涼膈散加川
連麥冬以泄之痰多者用三聖散以吐之驚者
用安神丸以平之可下者用承氣湯以下之然
後用安神平肝之劑如當歸生地牛黃硃砂青
黛柴胡川芎之屬惟五志之火因七情而起鬱
而成痰爲癲癇狂妄之症有非藥石所能治者
宜以人事制之須診察其由以平之怒傷於肝

而病者以憂勝之以恐解之喜傷於心而病者
以恐勝之以怒解之憂傷於肺而病者以喜勝
之以怒解之思傷於脾而病者以怒勝之以喜
解之恐傷於腎而病者以思勝之以憂解之驚
傷於胆而病者以恐解之悲傷於心包者以恐
勝之以怒解之此法惟賢者能之耳 怔忡悸
者心胸築築然振動也驚者恐怖之謂皆系心
虛血少宜養心湯滋養心血心氣旺則驚悸自
定有痰而悸者導痰湯加棗仁臍下悸者腎氣

醫
海
日進印刷所代印



上凌也溫膽湯加辰砂有驚入心絡而不能語者用密陀僧研極細末茶湯調服

虛煩

虛煩者心中擾亂鬱遏不寧也良由津液去多五內枯燥或營血不足陽勝陰微或腎水下竭心火上炎故虛而煩甚至於躁治法若精液枯燥而煩者八珍加麥冬棗仁竹葉陰血不足而煩者宜四物加人參麥冬茯神竹葉腎虛火炎而煩者竹葉石膏湯下滋腎丸病後虛煩者溫

醫
海
一
日進印刷所代印
膽湯或遠志湯煩而小便不利者五苓散心中
蘊熱而煩者清心蓮子飲煩而嘔不喜食者橘
皮湯煩而睡不甯者溫膽湯加棗仁

健忘不寐

健忘者因思慮過度病在心脾宜歸脾湯有精
神短少者有痰迷心竅者用小定志丸導痰湯
輩隨症治之 不寐有二種有病後虛弱及年
高人陽衰而不寐者有痰在膽經神不歸舍而
不寐者虛則四君子湯加棗仁黃耆痰者宜溫

膽湯加南星棗仁亦有心血不足而然者宜益營湯

嘈雜噯氣

胃爲水穀之海無物不受若夫荳麵魚腥生冷水菓以及烹飪黏滑難化等物恣食無節朝傷暮損而成清痰稠飲滯於中宮遂成嘈雜噯氣吞酸痞滿久而不愈漸涉反胃噎膈矣夫嘈雜之爲症也似饑非饑似痛非痛而有懊懣不寧之狀其症或兼噯氣或兼痞滿或兼噎心漸至



胃脘作痛痰火爲病也治法以南星半夏橘紅之類消其痰芩連梔子石膏知母之屬降其火蒼朮白朮芍藥之類以健脾行溼壯其本原又當忌口節慾則無有不安者矣治嘈雜用清理痰火藥不愈者須從治之於前劑中加豆蔻姜炒川連

吞酸

吞酸與吐酸不同吞酸刺心吐酸吐出皆系飲食入胃脾虛不能運化鬱積已久溼中生熱濕

熱相蒸而作酸猶之食物在器覆蓋則發熱而酸也內經云諸嘔吐酸皆屬於熱然有寒者此症必夾肝邪治法當平肝和胃宜用吳萸順其性而折之因痰吐酸者二陳加竹茹食鬱吞酸者加味平胃散吐清水者宜蒼朮茯苓滑石白朮陳皮之類因鬱火而吞酸者宜連理湯佐金丸之屬凡吞酸吐酸最忌黏滑油膩宜食疏淡之物使氣通利

嘔吐

